

Siguri

Ekskluzive | Videoja e të shtënave në një aheng në Suharekë çon te identifikimi i 32-vjeçarit – Policia i shkon në shtëpi, ai kishte udhëtuar për Itali

Sinjali.com 22 Gusht 2026 10:15



Një video-incizim ku shihet një person duke shtënë me armë gjatë një ahengu në Suharekë është bërë pikënisje e një hetimi që, pas gati tri javësh, ka çuar në identifikimin e personit të dyshuar dhe sekuestrimin e armës që dyshohet se është përdorur, mëson Sinjali.

Burimet e Sinjalit bëjnë të ditur se i dyshuari është **Jeton Avdyli**, rreth 33-vjeçar, i cili aktualisht ndodhet në Itali, ku edhe punon.

Rasti dyshohet se ka ndodhur më 2 gusht, rreth orës 21:05, në “Elektroni Event” në fshatin Greikoc të Suharekës.

Gjithçka nisi nga një video.

Stacioni Policor në Suharekë kishte pranuar një video-incizim, në të cilin dyshohet se shihet një person duke shtënë me armë gjatë ahengut.

Pas sigurimit të pamjeve, hetuesit kanë nisur veprimet për identifikimin e personit që shfaqej në video.

Sipas informacioneve që ka siguruar Sinjali, më 21 gusht hetuesit kanë arritur ta identifikojnë personin e dyshuar si Jeton Avdyli.

Në koordinim me Prokurorin kujdestar, Policia ka shkuar në shtëpinë e tij, por 32-vjeçari nuk ndodhej aty.

Hetuesit kanë kontaktuar me babanë e të dyshuarit, i cili i ka njoftuar se djali i tij kishte udhëtuar dy ditë më parë drejt Italisë, ku punon.

Por gjatë këtij veprimi Policia ka siguruar edhe një provë potencialisht të rëndësishme për hetimin.

Babai i 32-vjeçarit ka dorëzuar vullnetarisht një pistoletë me gaz dhe një karikator, armë për të cilën ekziston dyshimi se mund të jetë përdorur gjatë të shtënave të regjistruara në video.

Arma dhe karikatori janë sekuestruar për ekzaminim dhe procedura të mëtejshme hetimore.

Meqë Avdyli ndodhet jashtë Kosovës, Policia i ka lënë ftesë që, sapo të kthehet në vend, të paraqitet në stacion policor.

Rasti është iniciuar për mbajtje të paautorizuar të armës dhe përdorim të armës, ndërsa hetimet vazhdojnë.

Në këtë fazë nuk është konfirmuar përfundimisht nëse arma e sekuestruar është pikërisht ajo që shihet duke u përdorur në video, ndërsa i dyshuari nuk është intervistuar ende.

Shënim: Personat e apostrofuat në këtë artikull prezumohen të pafajshëm derisa fajësia e tyre të mos provohet me vendim të formës së prerë nga gjykata.

Sinjali – aty ku e vërteta flet para lajmit!

/GazetaSinjali/

ahengu familjar

Armë zjarri

identifikimi

Itali

Policia e Kosovës

Suharekë

Të shtëna

Videoja

Të tjera:

Plagosja me a*më zjarri në Banjë të Pejës – ky është i plagosuri, i dyshuari në arrati

Siguri

Ky është ish-luftëtari i UÇK-së që humbi jetën pas plagës me armë zjarri në Lipjan

Kosovë

Ekskluzive | Këta janë të dyshuarit për përleshjen me armë në Halabak të Podujevës – dy të...

Sinjalizime

Të shtëna me armë zjarri dhe shpërthime dëgjohehen në aeroportin e kryeqytetit të Nigerisë

Botë

Të shtëna me armë në Prishtinë, plagoset një person

Siguri

Të shtëna me armë në Spaç të Mirditës, një i vdekur

Shqipëri

Policia e konfirmon raportimin e Sinjalit për të shtëna me armë ndaj autobusit në Malishevë

Sinjalizime

12 persona qëllohen me armë në një festival në SHBA, i dyshuari në arrati

Botë

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtimi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukurit dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Automjete
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera